

AWIG-AWIG DESA ADAT LAPLAPAN



**DESA PETULU
KECAMATAN UBUD
KABUPATEN GIANYAR**

**PIDAGING MAKA BANTANG
AWIG-AWIG DKSA ADAT LAPLAPAN**

Widang

MURDHA CITTA

- SARGA I** ARAN LAN WAWIDANGAN DESA
SARGA II PATITIS LAN PAMIKUKUH
SARGA III SUKERTA TATA PAKRAMAN

Palet 1	Indik Krama.....	2
Palet 2	Indik Prajuru/Dulun Desa.....	4
Palet 3	Indik Kulkul.....	5
Palet 4	Indik Paruman.....	6
Palet 5	Indik Druwen Desa.....	8
Palet 6	Sukerta Pamitegep.....	9
Kaping 1	Karang Tegal Lan Carik...	9
Kaping 2	Pepayonan.....	10
Kaping 3	Wewangunan.....	10
Kaping 4	Wewalungan.....	11
Kaping 5	Bhaya.....	11
Kaping 6	Panyangran Banjar.....	12

SARGA IV SUKERTA TATA AGAMA

Palet 1	Indik Dewa Yadnya.....	13
Palet 2	Indik Resi Yadnya.....	16
Palet 3	Indik Pitra Yadnya.....	17
Palet 4	Indik Manusa Yadnya.....	21
Palet 5	Indik Butha Yadnya.....	22

SARGA V SUKERTA TATA PAWONGAN

Palet 1	Indik Pawiwahan.....	23
Palet 2	Indik Nyapihan.....	25
Palet 3	Indik Sentana.....	27
Palet 4	Indik Warisan.....	29

SARGA VI WICARA LAN PAMIDANDA

Palet 1	Indik Wicara.....	31
Palet 2	Indik Pamidanda.....	32

SARGA VII NGUWAH NGUWUHIN AWIG-AWIG

SARGA VIII PAMUPUT.

MURDHA CITTA
AUM, OM

Om Swastyastu, Om swighnamastu nama sidham,
Putusing sabha Krama Desa Adat Laplapan gumawe Awig-awig
Desa Pakraman maka sepat siku-siku pamatut, wastu kasidhan
Prayojanan sami kabeh prasama nghidep mawah amagehaken kadi
Linging Awig-awig iki.

SARGA I
ARAN LAN WAWIDANGAN DESA
Pawos 1

(1) Desa Adat Puniki mawasta Desa Adat Laplapan

(2) Jeber kakuwub wawidangannya mawatee nyatur :

- a. Sieih wetan : Tukad Celantung
- b. Sieih Kulon : Tukad Petanu
- c. Sieih Lor : Br. Melayang
- d. Sieih Kidul : Tukad Celantung

(3) Desa Puniki kawangun antuk karang ayahan Desa miwah
karang gunakaya sane wantah tunggil Banjar.

SARGA II
PATITIS LAN PAMIKUKUH
Pawos 2

Desa Adat Laplapan ngamanggehang pamikukuh minakadi :

- a. Pancasila
- b. Undang-undang Dasar 1945 Pamekas pasal 18
- c. Peraturan Daerah Propinsi Dati I Bali Nomor : 06 Tahun
1986.
- d. Tri Hita Karana manut sada cara Agama Hindu.

Pawos 3.....

Pawos 3

Patitis Desa Adat Laplapan :

- a. Mikukuhin miwah ngrajegang Sang Hyang Agama
- b. Nginggilang tata Prawertine magama
- c. Ngrajegankasukertan Desa saha Pawongannya sakala lawan niskala.

SARGA III

SUKERTA TATA PAKRAMAN

Palet 1

Indik Krama

Pawos 4

(1) Sane kabawos Krama Desa inggih punika kulawarga sane magama Hindu saha ngamong karang Desa utawi karang gunakaya.

(2) Sajaba punika sinanggeh tamu.

Pawos 5

Krama Desa wenten 4 (petang) pawos, luwire :

- a. krama ngarep, kula warga sane ngamong karang
- b. krama pangempian, kulawarga sane tanpa karang sakewanten sampun mawiwaha.
- c. krama tapukan, kulawarga manut aksara a utawi b ring ajeng sakewanten durung antes ngayah (durung mayusa 19 warsa):
- d. krama balu, inggih punika kulawarga sane katinggal seda olih sinalih tunggil lanang utawi istrinnya utawi sangkanin nyapihan.

Pawos 6

Kawit dados Krama Desa :

- a. sangkaning ngamong karang
- b. mawiwit pawiwahan
- Ⓒ sangkaning pinunas ngraga

Pawos 7.....

Pawos 7

Panamayan tedun makrama Desa :

- a. nyabran sasih kasanga sangkanin pawiwahan.
- b. 3 Sasih ngawit jenek mapamahan sangkanin ngamong karang

Pawos 8

Sahanan Krama Desa sami keni tategenan (ayah-ayahan miwah urunan), luwire :

- a. ayah nyumek, mapiteges urunan miwah ayahan memungkul saking krama ngarep.
- b. ayah pangempian, urunan miwah ayahan saparo
- c. ayah tapukan, keni urunan mamungkul prade makarang utawi saparo yaning tanpa karang miwah sowang-sowang kaluputang ayah-ayahan.
- d. ayah balu, urunan miwah ayah-ayahan sekadi ring ajeng (aksara c).
- e. prade rikalaning ngayah wenten sinalih tunggil Krama matilar sadereng puput karya, wenang Krama inucap keni pamidanda tanjek laler kawastanin manut pararem.

Pawos 9

Krama Desa kadadosang :

- a. mapuangkid utawi tan tedun :
 - 1. rikala mapawangunan, ngaraabin, mayadnya, nandur (mamulih), sungkan, matepetin, kaluasan, sang istri ngembasang putra sadurung mayusa 3 sasih lan siosan punika.
 - 2. kengin tempo wantah apisan, sajawaning wenten kabebasan Prajuru.
- b. nyada, mapiteges ngamademang ayah, risampung mayusa 70 warza lintang.
- c. nyade, utawi nyuksukin, tur sane kawenangang risampung manggeh dehataruna utawi mrasidayang nganutin krama.
- d. nutug ayah antuk arta berana saantukan kapialang utawi ngentos ayah-ayah antuk arta berana manut paetangan manawi rajudi olih sang ngawarat, utawi kaluasan 3-7 rahina.

Pawos 10.....

- (3) Sajeroning ngenterang kasukertan niskala Bendesa mingeingihang sang sulinggih miwah Pamangku Kahyangan Desa.

Pawos 13

- (1) Swadharmaning Bendesa Adat Luwire :
- ngenterang pamargin Awig-awig miwah pararem Desa.
 - nuntun tur nganterang krama rawuhing warga Desa ngupadi manut patitis :
 - ⓐ mawosin miwah niwakang pamutus arep ring wicara warga Desa.
 - maka dutta matamuang bawos ring sapa sira ugi.
- (2) Prade prajuru nilar sesana keni pamidanda nikel ring kaiwangan sowang-sowang krama saha kangkat karariyanan manut pararem.

Pawos 14

- Patyas utawi olih-olihan Prajuru Desa luwire :
- luput rarempen (papeson)
 - polih tanding tengah
 - upon palaba carik
 - patyas sewosan manut pararem

Pawos 15

- (1) Prajuru Desa kagentosin riantukan :
- s e d a
 - kanorayang dwaning iwang pamargi utawi nilar sasana
 - wit saking pakayun utawi pinunas ngaraga.
- (2) nganorayang utawi ngentosin prajuru patut sajeroning paruman tur kaingkupin olih Krama Desa.

Palet 3

Indik Kulkul

Pawos 16

- (1) Kulkul ring Desa luwira :
- Kulkul Desa

b. kulkul.....

- b. Kulkul Banjar
 - c. Kulkul sekaa-sekaa
- (2) Tabuh tatepakan kulkul Desa/Banjar :
- a. Kalih tulud banban, tengeran Patedunan
 - b. Aklentungan, wenten rare embas
 - c. kalih klentungan nyoreang, tengeran Pawiwahan (pangantenan).
 - d. Tigang klentungan semengan, tengeran mitahuang kalayu sekaran (Seda).
 - e. atulud bulus, tengeran jiwa bhaya
 - f. Kalih tulud bulus, tengeran artha bhaya.
 - g. Tigang tulud bulus, tatengeran geni bhaya.
 - h. Tigang tulud banban, tatengeran aman.
 - i. Tabuh 4 (pat) kalih tulud banban, tatengeran urung makarya utawi tedun.

Pawos 17

- (1) Kulkul Desa utawi Banjar tan wenang katapak yening tan sangkaning pituduh Prajuru Desa, sajawaning tengeran bhaya.
- (2) Sang nepak tan sangkaning pituduh patut digelis atur supeksa maka buatan panepake, yan tan asapunika wenang sang mawurug kadanda manut pararem.
- (3) Kulkul Sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa/Banjar. Prade mamurug taler kadanda manut pararem.

Palet 4

Indik Paruman

Pawos 18

- (1) Paruman/sangkepan ring Desa Adat Laplapan, wenten
 - a. Sangkepan Desa/Banjar, kawentenang :
 - 1. Nyabran ngasasih rikala Wraspati Umanis tanpa arah-arah, dwaning sampun tetep panamaya sangkepan Desa/Banjar.
 - 2. Napkala (patgata kala) maka jalaran arah-arah manut tatujon.
 - b. Sangkepan.....

- b. Sangkepan Prajuru desa, kasentenang manut wiguna
 - c. Sangkepan Sekaa-sekaa manut pabuat.
- (2) Paruman Desa Desa utawi Banjar madudonan sekadi ring sor :

- a. Prasida lumaksana risampun katedunin olih sang patut ngamiletin, kamanggala antuk tengeran kulkul miwah mabusana Adat madya, saha tan kalugra makta gagawan sakaluwire, Tan maren ngarjana ring Ida Bhagawan Panyarikan maka sarana Widi Widana (Cane);
- b. Paruman kakawitin antuk saparo lintang krama Desa utawi Banjare, Pangawit paruman, kadulurin antuk panyacak sep-sepan saha riwusannya nyacak naur dadasan gung alit manut pararem.
- c. Tan kalugra ngawetuang suwara gora utawi byota, yan wenten kadi asapunika keni pamidanda bea pacamil kadi dandaning nguman-uman ring sabha.
- d. Pamutus babawos beriuk sapanggul (ingkup) punika kamenggebang.

- (3) Prade pidaging paruman tan kaingkupin mangda prujuru Desa ngilikang babawos, saha pamutusnya mangda kararemin olih Krama Desa, bilih tan prasida kasungkemin jantos ping tiga Prajuru wenang nunas bawos ring Sang Ngawe wenang.

Pawos 19

- (1) Sajeronin paruman Desa, Bendesa patut nyabyahang pamar-gin ngenterang Desa, pamekas nganinin indik :
 - a. munjuk lungsuring pakraman saha ayah-ayah, sulur arta berana druwen Desa.
 - b. rencana Prajuru nganinin usaha Desa kapungkur.
- (2) Pamutus paruman Desa sinanggeh pararem maka pamitegep Awig-awig.

Pawos 20

- (1) Sangkepan Prajuru Desa kawenangang wantah ngarincikang pangerencana usaha Desa kapungkur.
- (2) Sangkepan.....

- (2) Sangkepan Prajuru Desa tan kawenang ngawedalang tatege-
nan ring Krama saderang kaingkuhin olih Krama Desa.
- (3) Pamutus sangkepan Prajuru Desa ngawetuang paswara, maka
pidaging pituduh sang ngawewenang utawi ngonakang pedak
pararem Krama Desa.

Palet 5
Indik Druwen Desa
Pawos 21

Padruwen Desa adat Lapolapan, sekadi ring sor :

- a. Kahyangan Desa, luwira:
 1. Kahyangan Tiga
 2. Pura Melanting
 3. Pura Penataran
- b. Bale Desa/Br. Lapolapan
- c. Tanah tegalan
- d. Setra
- e. Pelaba Pura
- f. Lelanguan :
 - Gong 1 barung
- g. lan padruwan Desa Sewosan manut ilikita

Pawos 22

Piolih-olihan Desa Adat Lapolapan luwira :

- a. Piolih-olihan saking palaba Pura (tegal, carik)
- b. Urunan Krama Desa Adat
- c. Paica saking Guru Wisesa
- d. Paica-paica sane tiosan, sana patut.
- e. piolih-olihan saking usaha Desa.

Pawos 23

- (1) Prajuru Desa wenang ngetegang pamupun Laba Pura lan
sapanunggalan druwen Desa.
- (2) Pikolih lan pamuponnya kaanggen prabeya piodalan saha
wewangunan ring Pura.

(3) Nyabran.....

- (3) Nyabran pasangkepan Desa, Prajuru pangamong druwen Desa nguningayang parindikan munjuk lungsur padruwen Desa ring Krama Desa.
- (4) Sakaluwiring druwen Desa patut wenten ilikitannya.
- (5) Tan kalugra ngadol utawi ngesahang padruweyan Desa yan tan kasungkemin olih Krama Desa.

Palet 6
Sukerta Pamitegep

Kaping 1
Karang, Tegal, lan Carik
Pawos 24

- (1) Krama Desa pangamong Karang, patut kawatesin karang inucap antuk pagehan/turus utawi tembok mangda pakantennanya asri.
- (2) Wates sisi kaler miwah sisi kangin patut kakaryanin olih sang ngamong karang inucap, sane mawasta magaleng kaluwan, sajawaning tanah pacatu, tegal, carik utawi tanah padruweyan ngraga, sane kapiara watese magaleng kateben manut dresta.
- (3) Prade karasayang pagehan/turus unucap ngalikadin, yan pada arsa panyandinge, kengin watese nganggen pinget kawanten kasaksinin olih Prajuru Desa utawi pracihna pal saking sang Ngawewenang.
- (4) Prade wenten karang kabebeng/embet mangda kautsahayang wenten pamarginnya.

Pawos 25

- (1) Sinalih tunggil Krama Desa/Banjar tan kalugra :
 - a. ngalah-alah margi, tegal, karang lsp.
 - b. ngalah-alah tanah, linggih kahyangan, setra, lan sakancan linggih sinanggeh suci.
- (2) Prade wenten sekadi ring ajeng, sang ngalalah patut ngawaliang tanah inucap saha keni pamidanda manut param, kadulurin upakara ring pangalalah tanah suci.

Kaping 2.....

Kaping 2
Pepayonan
Pawos 26

- (1) Ngawit nandur pepayonan tanem tuwuh patut adepa agung (2 m) ngajeroang saking wates, prade jantos ngaliwat bates wenang kasepat gantungin.
- (2) Yaning wenten tatanduran ngungkulin, samaliha mawastu mayanin kapisaga patut kawara antuk paiguman ring ajeng prasida sang nruwenang wit ngarebah utawi notor.
- (3) Prade sampun kawara taler tan wenten usaha sang nruwenang wit, sang rumasa katetehan/kajerihan wenang masadok ring Prajuru tur risampun kaparitasas prajuru nitahang sang uruwenang wit mangda ngarebah, prade taler tan cumpu ring punepas prajuru, kangkat kasadokang ring sang ngawewenang.
- (4) Sang keni pamidanda panyangaskara saha prabea manut pararem arep ring wawangunan sang karubuhin, luwire :
 - a. Sang nruwenang wit sinanggeh mayanin, prade pungkut ngarubuhin wawangunan Krama tios.
 - b. Sang notor, munggul utawi ngarebah tur ngarubuhin krama tios.
- (5) Krama Desa patut ngamanggehang kawerdian tanem tuwuh sane ngawinang Desane asri.

Kaping 3
Wewangunan
Pawos 27

- (1) Nyabran ngawangun patut :
 - a. masadok ring Prajuru ping ajeng prade wewangunan nganinin wates.
 - b. ngangge asta bhumi miwah asta kosala-kosali, sanistane manut ring patitis niskala.
 - c. tan nyayubin kapisaga.
- (2) Prade wawangunan jantos nyayubin bilih-bilih temboke ring telenging bates, risampun kawera tur kasadokang ring prajuru, wenang kadanda manut perarem saha tembok inucap kagubar utawi sanistane mangda kakaryanang abangan.

Kaping 4.....

Kaping 4
Wewalungan
Pawos 28

- (1) Sahanan warga Desa sane mamiara wawalungan (bawi utawi banteng lsp). patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih Jantos ngranjing ngaletihin Kahyangan.
- (2) Prade wenten wawalungan malubar utawi ngeleb ngarusak karang/pabianan Krama sewos, risampun kawera kengin kataban tur kadanda ngawaliang wit sane karusak saha nawur panebus papiaran tatabanan, manut pangeloikan Prajuru Desa.
- (3) Prade jastos ngaletihin linggih suci, minakadi pamerajan, risampun kaparitatas antuk Prajuru, wenang sang nruwenang kadanda mabuhu agung tebasan prayascita durmanggala utawi Panca sata maulu bebek belang kalung prade jantos ngaletihin Kahyangan Tiga utawi Pura Pamaksan.
- (4) Krama Desa Patut nyanggra wawalungan miwah sarwa prani, tan kapatut ngamademang paksi miwah nuba ulam miwah sane tiosan, prade mamurug keni pamidanda manut pararem.

Kaping 5
B h a y a
Pawos 29

- (1) Pariindik bhaya, luwire: Jiwa bhaya, artha bhaya, (Kapandangan) dura cara ring agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 16 (2) aksara e.
- (3) Prade ring Desa kahanan jiwa bhaya, patut Desane ngaturang butha yadnya tur sang mayanin katur ring sang ngawewenang.
- (4) Prade wenten jatma mamisuh utawi nguman-uman jatma tios, kakenin pamidanda pamrayascita manut pararem.

Pawos 30.....

Handwritten header text, possibly a title or reference number.

Pawos 30

(1) Sang manggihin kahananartha bhaya (kamalingan), patut ngulkul mapitulung masmut ring pawos 16 (2) akbara f. utawi sang kamalingan atur supeka ring Prajuru Desa sane pacang nimbangin, tur sang malaksana katur ring sang ngawawenang saha maweweh pamrayascita prade wenten jatma ngamaling barang sinanggah suci.

(2) Pratingkahe mapailon ring dusta kabawos saruron, prade wenten jatma manggihin maling tan nyadokan ring Prajuru jaston jatma ties nysduang, patut kadanda kadi dandaning maling, tur prade jastos ping tiga malaksana asapunika wenang kasukserah ring sang ngawawenang.

(3) Prade wenten jatma ngarereh raramon, minakadi busung, ron, tanpa sadok ring sang nruwenang wit, prade kacunduk (katara) patut kadanda kadi dandaning maling.

(4) Yening wenten jatma ngaranjingin pakubon wiadin pakarangan rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.

(5) Mangda tan katuwekang maput ring ajeng, asing-asing ngaranjingin kubon utawi karang jatma ties patut :
a. Matatengeran swara (mekaukan)
b. nyantos sang nruwenang karang rawuh utawi masadok ring pangapit pinih tampek, maka buatan pangeranjinge.
c. pamedal karangnya kadagingin sawen, macihna pangarah rikala suwung.

Handwritten signature and stamp
Kaping 6
Panyanggran Banjar
Pawos 31

Krama Desa rikala ngawawenang karya suka-duka, patut kasanggra antuk banjar, luwire :
a. Prade.....

- a. Prade ngawangun Pitra Yadnya utawi Manusa Yadnya, manut pinunas sang mayadnya.
- b. Pangerombo utawi karya gotong-royong Krama Jantos ping tiga salangkungan punika patut katuran pangingu.
- c. Pangingu rikala Pitra Yadnya manut abot ingan Yadnya, prade saking semengan ngantos wengi katuran pangingu manut pararem.

**SARGA IV
SUKERTA TATA AGAMA**

Palet 1

Indik Dewa Yadnya

Pawos 32

- (1) Palinggih panyiwian Desa Adat Laplapan, luwire:
 - a. Kahyangan Tiga : Pura Puseh, Pura Desa/Bale Agung, miwah Pura Dalem.
 - b. Pura Melanting
 - c. Pura Panataran.

- (2) Raina piodalan ring soang-soang Kahyangan inucap, kadi ring sor :
 - a. Ring Kahyangan Tiga, luwire :
 - 1. Pura Desa/Bale Agung, Rikala Purnamaning Kapat.
 - 2. Pura Puseh rikala Purnamaning Kapat.
 - 3. Pura Dalem rikala Anggara Kliwon Julungwangi.
 - b. Pura Melanting, rikala Saniscara Kliwon Landep.
 - c. Pura Panataran, rikala Purnamaning Kadasa.

- (3) Pangaci ring pura inucap manut kecap sastra Agama, saha kalaksanayang nista, madia, utama manut kawentenan lan pararem.

Pawos 33

- (1) Ring sowang-sowang Pura inucap kaadegang Pamangku.
- (2) Ngadegang.....

(2) Ngadegang Pamangku manut dudonan :

- a. nyanjan utawi masemurang, soang-soang mapiteges mapinunas ring ajeng natar pura wiadin kadura Desa manswi ring balian sonteng, lan sapamunggalannya.
- b. turunan utawi ngwaris

(3) Tan kawenang angge Pamangku, luwire :

- a. Cedangga, luwire peceng, perot, cungh, lan sapenunggilanya.
- b. Sang sapasira ugi sane tan kapatutang manut pararem.
- c. Sungkan ila, ayan, buduh wiadin edan.
- d. Sane maderbe kasucian urip tan becik.

(4) Prabia kapamangkuan :

- a. Adiksa widhi (ngawintenang) kamedalin saha kalaksanayang antuk sang ngadegang, makadi Krama Desa utawi pangempon Pura sowang-sowang.
- b. Mapitra Yadnya riwekas prabea miwah panganggra, patut kasungkemin olih Krama Desa utawi pangemong, sanistanya Brahmaprayasita (pawos 34)

(5) Pamangku patut ngamanggehang sasananing pamangku manut sastra Agama.

Pawos 34

Swadarma pamangku luwire:

- a. Ngenterang Upacara piodalan ring Kahyangan utawi ring sowang-sowang pakubon Krama.
- b. Tan wenang salab-sulub, yan mamurug wenang mangku inucap nyepuhin raga.
- c. Prade salah sinunggil Mangku kapialang utawi cuntaka, kengin nguntap mangku tiosan utawi nuwur sang sulinggih.
- d. Samaliha yen sampun pamangku ngayah ring Pura kancit wenten kulawargannya seda, Mangku inucap tan keneng cuntaka, sakewanten Mangku tan budal salami piodalan.

Pawos 35.....

Pawos 35

Patias utawi olih-olihan pamangku, luwire :

- a. sarin canang ring Pura miwah sarin canang sowang-sowang pakubon krama Desa,
- b. Upon palaba carik manut pararem.
- c. Luput pakaryan lan rarampen (luput manuk)
- e. Pioli-olihan sewosan manut pararem.

Pawos 36

(1) Pamangku kagentosin riantukan :

- a. S e d a
- b. Pinunas ngaraga, manawi kageringan lan sapanunggalannya.
- c. Kawusang olih krama sangkanin malaksana sane tan patut.

(2) Prade mangku kawusang sangkaning malaksana tan patut keni pamidanda manut pararem saha ngawaliang prabia pawintenanya pecak.

Pawos 37

Kasukertan Kahyangan kadi ring sor :

a. Tan kalugra ngranjing kapura luwire :

1. Sang katiben cuntaka.
2. Makta sahanan barang sinanggeh ngaletihin.
3. Sato agung, sajawanin rikala mapada.
4. Mabusana tan manut kadi tatacaraning ngranjing kapura.
5. Sadereng polih uwak-wakan (pituduh prajuru Desa).

b. Pratingkahe tan wenang ring pura :

1. Masumpah (cor) sajawanin pituduh prajuru Desa.
2. Makobetan, masasenengan, makolem dados asiki lanang wadon, mabacin, mawiawahara, nyangsang busana, macecepin, menahin pusungan (santukan punika rikala majajahitan patut magelung busung).
3. Munggah tedun palinggih sajawaning pituduh prajuru.

c. Sang mamurug kecaping ajeng keni pamidanda pamrayascita manut pararem.

Pawos 38.....

Pawos 38

- (1) Yang wenten jatma karawuhan ring pura, kengin kapintonin prade rumasa kasumangsayan, yan tan wiakti jatma inucap kacisipang manut pararem.
- (2) Prade Kahyangan kahanan durmanggala, minakadi bhaya, pamangku utawi sang manggihin patut digelis nyadokang ring praju ru mangda marumang krama Desa tur ngawentenang pamraecita sapatutnya.

Palet 2

Indik Resi Yadnya

Pawos 39

- (1). Sang pacang madeg pandita patut masadok ring PHDI miwah prajuru desa utawi pinandita minakadi balian sonteng, kubayan, dalang, saluire sane jagi ngenterang Yadnya patut masadok ring Prajuru Desa.
- (2). Prajuru Desa patut ngawasnitening tur naweng ngalangin prade wenten kacihnian sasar kakecap manut drestane, tur sareng nyaksinin Upacara saha nyobyahang ring paruman desa tegap rawuhing wates kawenangan pangenter yadnya.
- (3). Krama Desa patut ngaturang ayah sapamadeg miwah ring pangelepas sang sulinggih riwekas katuntun olih Praju-ru Desa.

Pawos 40

- (1). Sang sulinggih patut ngariyinan ngrayuning utawi muputang yadnya ring wawidangan jagat Laplapan, sasampune wawu muputang yadnya kajebar jagat tyos utawi kadura Desa.
- (2). Krama Desa sami patut sareng ngawas nitening katuntun olih Prajuru, mangda sahanan yadnya sane kawentenang kaicen pamuput olih Padanda utawi Pinandita manut kawenangannya sowang-sowang.

Palet 3.....

Palet 3
Indik Pitra Yadnya
Pawos 41

Pamargin Pitra Yadnya madudonan manut sakadi ring sor :

- a. Pangupakaran Sang kalayu sekar :
 1. Antuk mendem utawi ngeseng, makacihna pakinsan ring ibu pertiwi utawi ring Bhatara Brahma, salami nuptu-pang prabeya.
 2. atiwa-tiwa (upakara pangabenan/palebong)
- b. Upacara upakara Pitra Yadnya riwusan kaabenang nglantur munggah daun bingin (ngaroras).

Pawos 42

Swadarmaning lan tategenan prade wenten sinalih tunggil krama kalayu sekar :

- a. Sang kaduhkitan patut :
 1. nyadokan ring Klian Banjar tur nunas tatimbangan ring kawentenannya.
 2. ngaturin Banjar ngarombo makarya eteh-ete sawa kadulurin panyambroma canang sasida antuk ring pangerombo nganter ke setra.
- b. Swadarmaning Banjar/Desa :
 1. Klian Banjar maritatas pamargin sang kaduhkitan, napike pacang kapendem, makingsan riwin utawi lantur kaabenang prade makingsan jaga nglantur kaabenang risampun wenten panamaya/padewasan mangda pangabenan punika kalaksanayang manut pararem.
 2. Prade kapendem, raris kawentenang kulkul patahu manut pawos 16
(2) aksara d. olih klian Banjar utawi wakilnya.
 3. Panyanggran Banjar salanturnya :
 - a. sowang-sowang Krama Banjar nedunin patus manut para rem Banjar.

b. ngarombo.....

- b. ngarombo ngaryanin eteh-eteu sawa saha kasarengin antuk Krama sane rawuh, maakeian.
- c. sami Krama Banjar nganter ka setra jantos pamendeman puput.
- c. Tan kengin ngalelet langkungan ring (7 (pitung) rahina, tur patut polih pagebagan manut paetangan Klian Banjar.
- d. Tan kalugra nginepang bangbang miwah mendem rikala : semut sadulur, kala gotongan, was panganten, ingkel wong, Prawani, Purnama, Tilem, Pasah, lan sapanunggilannya.
- e. Prade wenten kalayu sekar rikala piodalan kengin mendem tanpa sadok, memargi wergi miwah sesiliban, tan nyuara- yang kulkul.

Pawos 43

- (1) Yan wong seda salah pati miwah ngulah pati wenang kapra- teka sakadi mati lemes maweweh pangulapan/penebusan ring genahnya seda.
- (2) Yan wenten wong magama Hindu tan makrama Desa matempung nanem utawi ngaben ring setra Desa Adat laplapan keni penanjung batu manut pararem.

Pawos 44

- (1) Sane kasinanggeh cuntaka sakadi ring sor :
 - a. cuntaka antuk kalayu sekaran
 - b. cuntaka antuk ngraja swala
 - c. cuntaka antuk ngembasang putra
 - d. cuntaka antuk karuron
 - e. cuntaka antuk sungkan ila, bubuh.
 - f. cuntaka antuk pawiwahan
 - g. cuntaka antuk gamia gamana
 - h. cuntaka antuk salah timpal
 - i. cuntaka antuk yening wenten anak istri mobot nenten kaupakarayang pabiukawonan tur pawidida- nan.

y. cuntaka antuk mamitra ngalang

k. cuntaka antuk yaning wenten anak istri
ngawentenan putra sadurunge meupakara
pabiukaan tur pawidiwidanan

l. cuntaka antuk sad tatayi

(2) Sengker cuntaka manut kawentenanya :

a. Cuntaka kelayu sekaran, cuntakania manut dresta lan paparem Desa Adat Banjar leplapan.

b. Cuntaka ngaraja swala, 3 rahina ngawit saking ngraja swala utawi salamaning ngraja swala.

c. Cuntaka ngebasang putra, 42 (abulan pitung rahina) ngawit putrane ebas sane ngebasan putra (sane istri), skepus odel cuntakan sane lanang.

d. Cuntaka karuron, cuntakanian abulan pitung rahina (42 rahina) tur sampun matirta pamerayascita.

e. Cuntaka pawikahan, cuntakania ngantos sesampune matirta pabiukaan.

f. cuntaka gamia gamana, cuntakania ngantos sesampune kapalasang/masapihan tur sampun kawentenang pamerayascita raga tur sampun kawentenang pamerascita Desa Adat/Kahyangan.

g. cuntaka salah timpal, ngantos puput sakadi manut ring sastra Agama lan Dresta.

h. cuntaka anak istri mobot nenten kawentenang upakara pabiukaan, cuntakania ngantos kawentenang upakara pabiukaan.

i. cuntaka mamitra ngalang, cuntakania ngantos kawentenang upakara pabiukaan.

j. ngembas putra nenten kawentenang upakara pabiukaan miwah upakara pawidiwidanan, cuntakania ngantos wenten sane mameras sang putra, tur sampun kawentenan upakara sakadi manut ring sastra Agama.

k. cuntaka sad tatayi, cuntakania ngantos sampun pamerayascita raga tur nenten pisan dados ngamungghang upacara padwijatian.

(3) cuntaka kelayu sekaran/kapademan :

a. Kapendem cuntakania :

1. cuntaka.....

1. cuntaka/sebel kabanjar rawuhing 3 rahina riwusnia mendem utawi sesampun polih prayascita (masapuh).
 2. kulawargania sajeroning pakarangan ngantos abulan pitung rahina (42 rahina) utawi sesampun kawentenang upacara pacaruan.
- b. Kaaben cuntakania :
- Sang nyambut karya pitra yadnya cuntakania ngawit saking Huasen/nanceb karya rauh riwus yadnyania (mapegat)
- (4) Sane katiba cuntaka luwire :
- a. Kalayu sekaran sane kacuntaka :
 1. sang sane kalayu sekaran
 2. kula warganya
 3. bebanjaran
 - b. Ngraja swala sane kacuntaka :
 - sang sane ngraja swala.
 - c. Ngembas putra sane kacuntaka :
 - kawulawargania sane ngembasan putra lanang wiadin istri.
 - d. Pawiwahan sane kacuntaka :
 - sang sane kaupakara pawiwahan lanang wiadin istri.
 - e. Karoron sane kacuntaka :
 - kula wargania lanang wiadin istri.
 - f. Gamia gamana sane kacuntaka :
 1. sang sane ngalaksanayang gamia gamana.
 2. Desa adat nyane.
 - g. Anak istri mobot nanten kawentenang upacara pabiukaonan sane kacuntaka :
 - sane maraga istri (sane mobot)
 - h. Mamitra ngalang sane kacuntaka :
 - sane nglaksanayang mamitra ngalang.
 - i. Ngembas putra nenten kawentenang upakara pabiukaonan miwah upakara pawidiwidanan sane kacuntaka :
 1. sang sane ngembasang putra
 2. putra sane embas.
- (5) Tan keneng cuntaka, luwire :
- Sang sulinggih lan mangku kahyangan Desa .

Pawos 4.....

Pawos 4

- (1) Atiwa-tiwa (pangabenan) :
 - a. Nyawa Resi
 - b. Sawa prateka
 - c. Swasta
- (2) panamayan pangabenan wenten kalih pawos :
 - a. Ngaben dadakan/bah bangun, kadadosan ring sang maraga pandita, pamangku lan sapanunggalannya, samaliha yaning wenten patiwak sang Mawang rat.
 - b. Ngaben masa : 3 (tigang) warsa sapisan.
- (3) Dudonan pangabenan kawit saking ngagah (seda), ngeseng ngantos pangiriman utawi nganyut.

! Pawos 46

- (1) Papatusan pangabenan wenten kalih pawos :
 - a. ngaben ngamasa luwire : manut ring pararem.
 - b. ngaben dadakan, kawehan wantuan saking Krama Banjar manut pararem.
- (2) pangingune ring Krama Banjar ngawit ngayah manut abot ingan kawentenan karya, manut pararem.

Palet 4

Indik Manusa Yadnya

Pawos 47

- (1) Manusa Yadnya ingih punika upacara-upakara dharmaning manusa, ngawit saking patemoning kama bang kalawan kama putih ring sajeroning garba ngatos, kalayu sekaran riwekas.
- (2) Upacara kadi ajeng madudonan sekadi ring sor :
 - a. magedong-gongan duk pangerempinian ibiang
 - b. duk sang kama reka medal
 - c. kapus odel
 - d. roras rahina
 - e. tutug kambuhan (42 rahina)
 - f. nigang sasihan (3 sasih)
 - g. pawetuan/otonan/odalan (6 sasih)
 - h. tutug.....

- h. tutug kelih (ngaraja swala wadon, ngembakin lanange)
 - i. matatah/mepandes
 - g. mawinten
- (3) Upacara-upakara inucap nista, madia, utama manut sastra Agama saha catur dresta.

Palet 5
Indik Butha Yadnya
Pawos 48

- (1) Butha Yadnya inggih punika upacara-upakara byakala ring pertiwi lan kahyangan, sarwa prani, piranti saha upacara-upacara ring babutan.
- (2) Upacara pabyakala ring sarwa prani lan piranti luwire :
- a. ring sarwa tumuwuh rikala tumpek pangatag (Saniscara Kliwon Wariga).
 - b. ring sarwa ingon-ingon rikala tumpek andang (Saniscara Kliwon Uye).
 - c. ring sarwa Reringgitan rikala tumpek wayang
 - d. ring sarwa siandana rikala tumpek kuningan.
 - e. ring sarwa lelandap rikala tumpek landep.
- Upacara pakala-kala manusa manut widana, kabawos pabyakala.
- (3) Upacara pabyakala ring pertiwi, kahyangan lan babutan kawastaning macaru.
- (4) Paceruan inucaping ajeng nista, madia, utama manut wiguna kadi ring sor :
- a. ekasata
 - b. panca sata
 - c. panca sanak
 - d. Resi gana
 - e. Tawur Agung
 - f. Panca kelud
- (5) Sajawaning kadi ring ajeng kawentenang upacara :
- a. majot-jotan utawi yadnya sesa nyabran wusan ngarateng (masaiban).
 - b. masapuh-sapuh rikala pacang wali ring pura

.pm12

Pawos 49.....

Pawos 49

- (1) Nangken ngawarsa rikalaning Tilem Kasanga kawentenang tawur kasanga kalanturang ngarupuk, makacihna pacang mapag rahina panyepian benjangne.
- (2) Brata panyepian sane kamargiang oleh Krama Desa :
 - a. amati geni : tan kengin maapi-api
 - b. amati karya : tan kengin nyambut karya/ makarya.
 - c. amati lalanggusn : tan kengin maoneng-onengan, masuare gora lan sapanunggalannya.
 - d. amati lalungan : tan kengin malancaran.
- (3) Pabratan inucsp kamargiang saking semeng ngantos semeng benjangne.
- (4) Sang mamurug kecaping ajeng keni pamidanda manut pararem Desa.
- (5) Riwus rahina Nyepi (benjangne) makacihna pangawit Icaka Warsa patut warga Desa madharma santi.

SARGA V

SUKERTA TATA PAWONGAN

Palet 1

Indik Pawiwahan

Pawos 50

- (1) Pawihan inggih punika patemoning purusa pradana, malara-pan panunggalan kayun suka lila kadulurin upasaksi sakala niskala.
- (2) Palaksanaan pawiwahan luwire :
 - a. papadiken, kamanggala antuk pakrunan
 - b. ngrorod, marangkat riyin wawu kakrunayang.
 - c. nyeburin utawi sentana nyeburin (risampun nganutin upacara pamerasan).
- (3) Pidabdab sang mawiwaha patut :
 - a. sampun manggeh deha-taruna (Prasida nganutin undang-undang)
 - b. sangkaning pada lila (tan kapaksa)
 - c. nganut kecaping Agama (tan gamia gamana)
 - d. kasudi.....

- d. kasudi wadhani prade pangambile tios Agama.
 - e. kapati wangi prade pangambile singgihan wangsa
- (4) pamargin pawiwahan mangda taler nganutin undang-undang saking sang Ngawiwenang.

Pawos 51

- (1) Pawiwahan sane kpatutang ring Desa, sekadi ring sor :
- a. sampun kamargiang pabyakala utawi pasakapan, kasak-siang sakala nickala olih pandita/pinandita.
 - b. wenten pasaksi prajuru sane mapakelingang utawi ngilikitayang pawiwahan.
 - c. sampun matengeran suoran kulkul.
 - d. pawiwahan inucap ring ajeng sampun kailikitayang ring sang ngawewenang.
- (2) Parabian sane tan manut kadi ajeng sinanggeh tan patut (tan sah)

Pawos 52

Tata caraning parabian patut sakadi ring sor :

- a. sapa sira ugi pacang ngawarangang pakulawangan masadok ring prajuru, selanturnya prajuru maritatas manut/tan manut kakecap parabiane.
- b. pamargin papadikan manut dudonan :
 - 1. pakrunan jantos ping tiga, saha soang-soang malarapan :
 - a. kapertama antuk canang (buah base)
 - b. kaping kalih antuk canang (buah base), canang raos.
 - c. kaping tiga antuk canang (buah base), canang raos, daksina.
 - 2. risampun pupuk babawose, raris sang istri kaajak budal ring pakubon sang lanang, saha kalanturan antuk pabyakala.

3. mangda.....

- (2) Wusan mapikuren riantukan salah sinunggal seda mapiteges balu, makadi balu lanang/istri.
- (3) Palas parabian wantah sangkanin mawiwit wicara
- (4) Sang ayat palas marabian patut atur supeksa pailikitan riyin ring saha rumawos wawa prajuru nyobyahang kawente-nannya ring Desa saha keni pamelin suara kulkul manut pararem.

Pawos 54

Tatacara palas parabian :

- a. pinih riyin mangda wenten panepas sang rumawos.
- b. nawur prabeya pasaksi manut pararem.
- c. pagunakayan polih pahan pada.
- d. pabekei, tattadan soang-soang kakuasa niri-niri miwah warisan kekuasa antuk purusa.
- e. ngaweruhin miwah ngupajiwana prati sentana manut swadharmaning guru rupaka.
- f. nawur panidanda panumbas suara kulkul manut pararem.
- g. ngelung jinah logika, (jinah bolong).

Pawos 55

Prada riwekas sang palas kacihnana adung malih, patut :

- a. ngalaksanayang pawiwahan malih.
- b. kadanda nikel saking palasa.

Pawos 56

- (1) Sang balu kabinayang dados :
 - a. balu luh wit sentana (sentana rajeg) miwah balu luh boya sentana.
 - b. balu muani kapurusa (wit sentana) miwah balu muani nyeburin (boya sentana).
- (2) Swadharmaning balu inucap patut :
 - a. ngamanggehang patibrata tan kengin ngamargiang paradara/drati krama.

(b) nguasayang

- b. ngussayang waris gunakaya, tan dados ngadol, ngad-eang, makidiang lan siosan punika, sajawaning kabeba-san sakeng pianak utawi kulawarga pinih tampek sakeng kurenannya prade pianak kantun alit-alit.
- c. kengin ngidih sentana prade wenten pidabdab sadurung sinalih tunggil padem, saha kabebasan antuk kula-warga singgih kapurusa.
- d. kawenangang mawiwaha malih, prade wenten kabebasan manut angka lan aksara ring ajeng.

Pawos 57

Bali kaucap tan pageh sekadi ring sor

- a. dratikrama utawi paradara.
- b. matilar saking pakubon tan pasadok jantos 6 (enam) sasih.
- c. lempas ring swadarma swang-suang tan prasida ngeseh-in solah maprawerti arep ring pituduh sane patut saking kulawarga purusa.

Palet 3

Indik Sentana

Pawos 58

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika, sentana sane metu sakeng pawiwahane sane patut.
- (3) Prade pawiwahan tan kapatut ngawetuang sentana, mangda tan kantun kawastanin babinjat utawi astra yogia kamang-gala antuk panyangaskara paperasan.
- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (prada-na) sane kamenggehang lanang (purusa) tur risampun ngalaksanayang pawiwahan nyeburin.
- (6) Sang sane dados kaarsayang sentana rajeg wiwit angka (5) inggih punika :

a. pratisentana

- a. pratisentana wadon tunggal
- b. sampun kamanggehang dados pratisentana lanang (purusa)
- c. kapawiwahang kaceburin, kautamayang jadma sane maagama Hindu utawi jadma sane maagama siyosan sane sampun nglaksanayang pamarisuda raga utawi sudiw^dani.
- d. sane manggehang sentana rajeg patut mapasadok ring I Prajuru Banjar, tur I Klian Banjar patut nyobyahang ring Banjar saha ngaturang ring prajuru Desa Adat.

Pawos 59

- (1) Ngangkat sentana manut dudonan patut makacihna arta berana pamerasan sane kasaksiang sakala niskala.
- (2) Sapasira ugi Krama pacang ngidih sentana patut masadok ring Bendesa sanistane 3 (tigang) sasih sadereng pamerasan.
- (3) Bendesa kawakilin antuk klian Banjar nyobyahang ring wawidangan Desa, sang sapasira ugi rumaksa tan lila mangda nyadokang masengker kalih wuku (14 rahina) sabanen pamerasan ring Bendesa Adat miwah sang rumawos.
- (4) Prajuru Desa digelis saha ngicenin pamutus nepek ring catur dresta miwah pararem.
- (5) Prade sulur paperasan tan manut ring kecaping ajeng prajuru Desa wenang ngandeg sang pacang makarya saha ngicenin penuntun, mangda kapuputang riyin babawos sulur utawi wicaranya.

Pawos 60

- (1) PAPERASAN sane kapatut ring Desa risampun makacihna :
 - a. widi-widana paperasan.
 - b. kasaksinin antuk prajuru Desa sane makelingang utawi ngilikitayang.
 - c. kasobyahang ring wawidangan Desane.
- (2) Sane kapatut peras angge sentana kadi ring sor :
 - a. Jadma magama Hindu
 - b. Papernahang nadunang saking sang meras.
 - c. Kulawarga

- c. Kulawarga saking purusa, prade tan wenten kengin saking wadon yening talar tan wenten wawu kengin sakama-kama (saking kayu).
 - d. kautamayang saking waris pancer kapurusa.
 - e. sinalih tunggil mawit saking kulawarga tunggal sanggah utawi marajan, paibon lan dadia utawi nganbilin anak tios sakewanten sang magama Hindu.
- (3) kengin ngangkat sentana langkung ring adiri, lanang wiadin wadon.

Palet 4
Indik Warisan
Pasos 61

- (1) Warisan inggih panika tatamian arta brana saha ayah-ayah ngupadi sukerta sakala niskala saking kaluhurennya arep ring turunannya.
- (2) Kang sinanggeh warisan luwire :
 - a. dwe tengah, makadi karang ayahan Desa, kahyangan, pusaka, siwa krana lsp.
 - b. pamerajan
 - c. pagunakayan, tadtadan/jiwa dana, utang piutang.
- (3) Wawu kengin kabawos warisan prade wenten :
 - a. sang mapiturun (pawaris)
 - b. katurunan (ahli waris)
 - c. arta brana miwah tategenan (ayah-ayah) makacihna warisan.

Pasos 62

- (1) Ahli waris luwire :
 - a. Pratisentana purusa.
 - b. Pratisentana pradana (sentana rajeg)
 - c. Sentana paperasan lanang/wadon.
- (2) Prade tan wenten sekadi ring ajeng, kang sinanggeh ahli waris :
 - a. turunan purusa pernah ngunggahang, rarama lanahg, pekak selantur ipun rarama misan mindon
 - b. turunan purusa pernah kasemping makadi misan, mindon, kaponakan misan/mindon lan selanturnya.

Pawos 63

Swadharmening ahli waris patut :

- a. narima saha ngucayang tatamian pahan saking kaluhuranya, makadi ngarempen sanggah, pura saha pangupakaranya miwah nyalédihinin ayah-ayahan pawaris.
- b. nawurin hutang-hutang pawaris sane manut pangloika.

Pawos 64

Pangepahan waris manut sekadi ring sor :

- a. risampun kalaksanayang pitra Yadnya lan utang-utang pawaris buntas katawur.
- b. pera ahli waris polih pahan pada sakeng paguna-kayan, sajawaning, Duwa tengah kaamong oleh ahli waris kang sinanggeh Krama ngarep.
- c. sinalih tunggil ahli waris kengin tan polih pahan prade :
 1. niler kawitan lan sasananing Agama
 2. alpaka guru rupaka
 3. santana rajeg kesah mawiwaha utawi pratisantana nyeburin, soang-soang kabawos ninggal kadaton.
- d. boya ahli waris kengin mauponin hasil (paupon-upon) luwire :
 1. sentana luh, selami dereng kesah mawiwaha utawi tan alpaka guru rupaka miwah prade madrebe pianak tan kaangkenin antuk wong tua rare inucap, kengin ngawaris wantah pikolih (paguna-kayan) sentana luh inucap kemawon.
 2. mulih dahi utawi teruna riantukan ring pawiwahanne pecak sampun kabawos ninggal kadaton.
- e. pawaris kengin maweweh rikala maurip pinaka jiwa dans, tedtaden/bekel, makacihna paweweh tetep ring pianak sane kesah mawiwaha.

Pawos 65

- (1) Prade sajeroning pakulawargan wenten ahli waris langkung ring adiri patut :
 - a. kawentenang paigum indik pedum waris inucap
 - b. yan tan prasida katunasang tatimbang ring prajuru (kerta Desa).
 - c. prade taler tan wenten cumpu ring panepas Kerta Desa, kengin katunasang ring sang rumawos.
- (2) Prade karang inucap kaputungan, patut prajuru nibakang ring :
 - a. sang sinanggeh ahli waris manut pawos 62
 - b. sang kengin aggen sentana manut pawos 60 (2) miwah (3)
 - c. prade taler tan wenten cumpu ring panepas Kerta Desa, kengin katunasang ring sang rumawos.
- (3) Prade jantos karang Desa kepeh utawi kasepih, patut sowang-sowang nedunin makrama Desa marep.

SARGA VI

WICARA LAN PAMIDANDA

Palet 1

Indik Wicara

Pawos 66

- ① sane wenang mawosin makadi mutusang wicara ring Desa inggih punika prajuru Desa sinanggeh Kerta Desa.
- (2) Prade sang mawicara tan wenten cumpu ring pamutus Kerta Desa, kengin nunasang wicara inucap ring sang rumawos.

Pawos 67

- (1) sahanan wicara mawiwit kacorahan saka luwire sinanggeh nungkasin Awig-awig miwah pararem Desa/Banjar, prajuru patut digelis mawosin tan nyantos pasadok.
- (2) Sajaba wicara kadi ajeng patut nyantosang pasadok sang nunas bawos.

(3) Panepase

- (3) Panepase patut pastika nyantenang iwang patut malarapan Tri Pramana (Saksi, ilikita, bukti) miwah tan maren nepek ring Catur Dresta.

Palet 2

Indik Pamidanda

Pawos 68

- (1) Desa/Banjar wenang niwakang pamidanda ring warga Desa sane sisip.
- (2) Paniwak inucap kalaksanayang olih Bendesa/Klian Banjar.
- (3) Bacakan pamidanda luwire :
 - a. ayahan panukun kasisipan
 - b. danda arta (dosa, danda saha panikel-nikelnya miwah panikel-nikel urunan)
 - c. kanorayang
 - d. panyangaskara
- (4) Pamidanda sane katiwakang patut masor singgih manut ring kasisipane.
- (5) Jinah utawi raja berana pamidanda ngaranjing dados druwen Desa/Banjar.

Pawos 69

- (1) Krama sane nglantur tigang paruman/sangkepan nenten naur urunan wenang katikelang, prade sampun katikelang taler tan naur wenang tikel katikel, taler tan naur wenang karampag.
- (2) Tata cara rerampagan sakadi ring sor :
 - a. tan nganinin saluwir barang sane inggilang manut Agama miwah ngamademang pangupa jiwa sang karampag.
 - b. Prajuru kasaksinin sakirang-kirangnya krama Desa/Banjar kalih diri, sangkanin darsana ngambil barang sane karampag tur sang sane karampag sangkanin lila ngaturang barangnyane.
 - c. Prade sang sane karampag tan lila ngaturang barangan-nyane patut kasadokang ring sang ngawewenang.

Pawos 70

Pawos 70

- (1) Prade sang karampag ngawara (ngalangin) palaksanane inucap mawastu sampun tan ngenutin Awig-awig Desa wenang krama niucap kanorsayang.
- (2) Pamidanda inucaping ajeng henj buntan risampun sang kakeninin :
 - a. nunas geng pangampura ring Krama Desa riantukan nguak pasubaya (pararem) pecak.
 - b. naur pangargan panguak pasubayane duk pacang karampag kadulurin parayascita panyapsap kaiwangane ring Desa.

SARGA VII

NGUWAH-NGUWUHIN AWIG-AWIG

Pawos 71

- (1) nguwah-nguwuhin awig-awig Desa puniki kalaksanayang antuk paruman Desa.
- (2) Awig-awig puniki kamargiang ngawit kaingkupin (kararemin)

Pawos 72

- (1) Sakaluiring sane wenten saderengnya patut kaanutang ring Awig-awig punika.
- (2) Sakaluwiring sane durung kabaca sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

SARGA VIII

P A M U P U T

Pawos 73

- (1) Awig-awig puniki kararemin duk rahina :
 - Buda Umanis Dukut, sasih kalima Icaka Warsa 1914, Tanggal Masehi 18 Nopember 1992.
 - Wraspati Paing Dukut sasih kalima, Icaka Warsa 1914, Tanggal Masehi 19 Nopember 1992.


(2) Awig-awig

(2) Awig-awig puniki kalingga tanganin olih Bendesa Adat kasarengin olih Klijan Banjar Laplapan saha kasaksinin Perbekel/Kepala Desa Petulu miwah Camat Ubud.


(3) Luwir sang ngalingga tanganin :

a. Kapertama Prajuru/Desa :


1. Bendesa Adat Laplapan,



(IDA BAGUS SUTEJA)



b. Kaping kalih pinaka saksi :



MENGETAHUI DAN TELAH DICATATKAN

PADA TANGGAL : 12 DESEMBER 1992

NOMOR : 10 TAHUN 1992

BUPATI KABUPATEN GIANYAR



BJORONGA RAKA DHERANA, SH.